

川藏遊踪彙編

三

川藏遊踪集

上

川藏遊踪彙編

百一山房赴藏詩集

清孫士毅

中央民族學院圖書館編

一九八一年四月



百一山房赴臧詩集

清仁和 孫士毅 補山 撰

奉命總督四川簡鄂大司馬前臧

武擔山色擁雙流，又見三刀夢益州。昨日牙璋馳笮馬，有人銅鼓問旄牛。感恩自唱軍中樂，垂老能為劍外游。去去籌邊樓下過，烽臺無燭雨呼鳩。

退直菟裘計未成，機廷推轂促遄征。暮年敢諱三遺矢，節度誰懸九道兵。風雨不理諸葛鼓，華夷終限濯嬰城。西羌萬里河源外，慙媿尚書自請行。

小隊材官盡寶刀，受降猶未卸征袍。帳中湯沐金城險，馬首山河玉壘高。幕冷陣雲無雁過，弓彎邊月失狐嘯。天涯各自馳驅易，未得新題九日糕。

出關旌旆拂虹霓，何處天南又鼓鼙。未許吐蕃屯隴右，敢言裴度到淮西。千峯行色秦雲重，萬竈炊煙蜀棧低。公是臨邊王相國，勸農歸及看春犁。

奉命赴蜀和周肖濂見贈原韻

質成虞芮未歸田疆吏籌邊案尚懸天語乍從行殿下臣心已到役車前龍沙鞭影行梯度

鳥道鈴聲雪嶺傳寄語全家休望遠好藏春酒待開筵諭旨令於川督述職後即交卸回京

官轍居然歷九州冀痕兩度錦官留遠攜淞水垂綸客謂肖濂重訪濠廬老圃秋幕府高才推

杜甫碑陰隱語問楊修一官仍作依人計聞說聲牛徵外遊如一如司馬時隨郭制軍赴藏

翹首停雲燕羽差勸君勿藥尚嫌遲兩人境過榮枯共卅載交情痛癢知省昔休同嬰恥後

沈憂要想病絲時偕行有客常相憶與訂夔州以後詩時肖濂出示白華少空蜀中吟稿

投筆君真定遠班離亭爭禁泪痕斑肖濂納姬之次一宵佳約留金枕萬里羈愁怨玉顏哭

我更番行折坂累人辛苦話刀鐮輸他城北人僥倖竟日調螺畫遠山徐郎南侍御亦於前數日納姬

道中雜述六首

侍奉入中樞餘年皆帝賓生慚嬰鑠翁齒暮敢言退劍閣亘青天蠻雲垂霞霽虹霓紆鉤梯

蟻行互習戴羽書正驛驛減裝策小隊老馬能藏途飛行猶磨塊搖搖旌懸心切切芒在背
井絡鬱蒼茫天彭光破碎子儀何如才乃以光弼代

涼秋八月商飈起白榆首塗行萬里
馬何踟躕東鉞豈不貴覆餗乃為虞方今天子聖
不忍輕征誅氏羌隸益部醉舞紅罽毼一觀背恩德敢作虎賁竭往者趙充國屯田成膏腴
西南置都護論功封狼胥凶門一推轂蝗臂良區區

秦棧高倚天蜀棧更天外巉巖上西南地肺互鈞帶繁霜凜與儻紅樹蕩旌旆陟深狐綏綏
穿雲鳥翺翺夷險無定形安心即蒼秦縣吏具供帳卻立望飛蓋強項今豈無抵候恐亦太
一笑謝之去晚飯豁風大

張鷟妄人耳鑿空來西極不如棄繻生上馬能殺賊虞廷尚典謀次亦策羣力霜翮厲秋風
狐兔盡誅強稼穡豈不甘所賴去螟螣蠻鄉費招徠崖谷竄鬼域瘴毒所淫然其氣名毒惡
軍門古節度小心矢嚴翼遐哉韋城武勇略震巴夔訶陵羌女輩繫頭色如墨精卒三千人

百戰無不克贊普為結纓寵官來侍側當其死方鎮蕃漢盡縗墨俯仰身世間何以稱述職
蒼鷹一揮擊毛血填平無酷吏一深文黔首供刑驅張湯起刀筆煨燼如洪爐何以酷吏傳
不與高等俱班史固有體無乃因公孤就中十一人半雜廉與污公勇又敢諫卓哉一郭都
雁門卻邊寇豈獨治若盧古今一異致貪有酷刑無成憲本忠厚邊徼尤所需武健而末濕
簡約而破觚兩者慎所擇毋使疲怠呼因之告郡縣執訊當非誣

古賢與婦人類不諱貨殖結駟聘諸侯築臺炫強國窮冬得蓋藏萬物乃休息岷山有疏鴟
至老無飢色沃野幾十里魚鹽富蠶織轉粟輸倉庾丁男不役力休養實傾良民侈使之膏
方茲戎馬間得毋廢田洵努力籌儲胥坐看奴奴熄

宿村舍

茅屋隔林密數家成一村歸鴉聚楓葉饑馬噉榆根新月忽掛壁疎星還照門夜深愁不寐
絕域計營屯

新都疾作

帝命征不廷，么麼笑豕突。糗糧與芻蕘，一一待籌畫。宵衣頻問旦，臣敢顧家室。一從出國門，晝夜不遑卸。兼旬五十里，馬上送日月。咫尺芙蓉城，郵程待明發。豈知積勞久，伏枕氣忽逆。眩或似輪轉，痛幾同指盪。瘼吏止我行，暫臥更煩鬱。計日當西征，殄此邛邛羆。萬里夢魂勞，重關易飛越。醫言血氣衰，忍致腹心疾。導我服藥餌，勸我避風日。欲速昔有成，引古義相律。聞之殊不欣，任重敢圖逸。據鞍彼何人，暮年氣鬱勃。一笑謝瘼吏，明當帶星出。

入川途次遇成都統自新疆歸

鐵鵬噉空夜，猿泣棧路盤。雲橫騎入十年，不見飛將軍。將軍橫刀馬前，揖相逢。執手各勞苦，將軍還朝。我行部姓名，舊隸羽林郎。尋障初開都護府，水寒石瘦風吹衣。輪蹄獨渡徒御車，為言節鎮要養重。輕裝減從如公稀，我聞此語三太息。起家寒畯歸，綸扉未徹沿外古。有訓鷄廉尚恐來叢譏，藏江之西接青海。萬里橫行有君在，伏羌校尉豈其人。坐使九夷貢方朔。

獨不見漢家多少追風驥李廣能將三百騎又不見裴行儉作大安西突厥康居都慕義揮鞭去去橫門道五十頭顧猶未老

奉命駐打箭爐籌辦徵調事宜

莽莽山樓接大荒桓桓一氣盡飛揚三邊鼓角鳴青海九姓弓刀耀赤岡

時奉命徵各土司屯番赴藏協剿赤

刺國在將選龍城經百戰令嚴虎旅趣宵裝臣頗老矣空遺矢焉羊酬恩願未償士毅自請出師未蒙

允

烟蠻雨瘴掩朝曛草寨風村訪舊聞

白草風村二寨名國初曾梗化

納款先憑工土婦

土婦工喀係明正司蛇蠟吃吧之妻康熙

五年首

賞祠爭拜邪將軍

相傳武侯爭孟獲命將郭達在沙哇地方設爐造箭故名打箭爐有祠焉

船逢三渡難論價

自爐出口由上中二

渡過裏塘至下浪水漲時俱用皮船索價甚昂

鼓易十年餉策熟

番民重諸葛銅鼓以牛千頭易之謂百戰百勝

莫向碉房悲白骨勝他鳥

雀啄紛紛

番人親死或委山溝或用土覆於所居碉房之上藏地則碎骨銀鷹犬以為奇

難牙逞瓦當軍持

番地號數珠為逞瓦率以金剛子為珠名難牙逞瓦

堪布

喇嘛內管事者

朱巴共一師

釋道俱奉胡圖克圖為本師

畫疆成誕語

大波河在爐西南

寶山空手笑癡兒

明正土司後山樹以竹柳云有金穴防番人攫取實未嘗有金也

佈泊關北孟蘭

會爐地崇佛鏡鼓之聲塞耳土人稱鏡為佈施

了警燒任市舶司

爐城女子年十五以上即受僱于茶客名曰沙鴉凡茶客交易俱憑沙鴉定價人不欺較斜

日柳楊風力緊薄人多向竹關馳

爐城冬日朔風最厲柳楊鋪冷竹關俱在城東爐人呼番民為薄疑斯契字之訛

繩橋難敵索橋雄

二橋在雅安縣為赴爐必經之所

上八休咄下八窮

上八義下八義俱土百戶地並貧瘠

舊俗尚思沿鼠集

蠻地稱集

華風漸到烏龍

南路上司風氣稍淳

丹砂湯暖饒爐北

爐城饒湯泉城北尤多

白雪峰高阻額東

多積雪

佇聽托湫蠻語

好托湫蠻言剿賊得勝也

偏師早報過多工

地名屬西藏時元戎兵赴江收

萬里橋是武侯送鄧芝使吳處

衰草何離離殘柳何蕭蕭離亭日暮暗無色云是當年送別之長橋橋上行人橋下水一片

狂濤呼不起峨眉遠接秣陵秋萬里之行始於此送君萬里去萬里還歸來三番奉使兩家

合伯苗德艷皆英才吳蜀併力計良得中原六州黯無色可惜當時乏將材典午三馬兒即

并三國吾行此橋經幾時昔也采風今視師此去衛藏更幾里前驅已卓和門旗雙流浩浩

平於掌人馬安便氣蕭英丹達山高雪暗大江流東下吾西上

臨邛懷古

曠代才華自不羣鄒枚一輩任紛紜瀟瀟酒市秋深雨落落琴臺日暮雲尚有遺書酬武帝
何嫌佚事記文君眼前邛笮斯榆路曾建西南萬里勲

文君井

酒舍今何在銀牀舊井深遠山窺黛影止水入琴心釵墮盤龍怨絲牽玉虎沈無端感魚尾
惆悵白頭吟

大渡

衆峰趨越巂遠勢連牂牁非惟限華夷直欲遮義娥義娥不可遮再隴爭役戈軍興下邛雅
晚夜馳明馳天河忽傾瀉百里聞驚濤繩橋驚宛虹浮艇割蠶蠶滯尾狐遲疑沒脛蟹負馱
一軍詎蟲沙兩甄為鶴鵠亂流何戢戢先濟爭番番此水出生羌遠自當州過隨成無故壘

唐縣惟殘沙真人夾馬營王斧畫此河王者示無外此意無乃頗當年譚武池豈異昆明波
後來割地議作俑竟如何國家大威德允當方休和甫冀諾作外拓地日以多較焉乃思逞
譬則燈投蛾羈縻信良法天討理則那湯湯大渡水滿耳聞鏡謠

萬工坡是明藍玉征雲南所開道

滇池非遙蜀道易誰刻青山作平地桓桓上將涼國公鑿道南征此通騎將軍百戰豈英聲
號令不數常開平大軍宸旌已直上別從間道通奇兵萬工鑿石山為緒一線度人兼度馬
想見懸軍深入時真覺將軍自天下軍鋒所向皆成功功臣自古難圖終如將軍者尤可惜
姓名長並胡惟庸將軍功業先平蜀古驛吾曾過綿竹尚有當年舊戰場年年春草埋遺跡
夜渡平羌江

蕭條絕壁片雲留玉遂梅花下隴頭今夜平羌江上過依然山月半輪秋

七縱河

掃穴鋒原銳，籌邊慮更深。南人先破膽，上將祇攻心。
壘壁風雲合，郵程雨雪深。西師威未，攪轡為泥吟。

二十四盤

即郛作山

昨經卬水渡，今循作山麓。作山盤如龍，一盤龍一曲。
馬蹄響空磧，人西落飛瀑。嵐翠撲衣袂，攪轡手可掬。
慣從折坂過，時與石壁觸。峽雲開，堂皇窈窕見深谷。
危巖起，驚禽峭崖奔駭鹿。行行繞羊腸，漸漸入牛角。
絕處忽有路，開朗豁心目。徑路迷東西，氣候異寒燠。
卬竹懸高崖，密影蔽天綠。時有兜羅雲，飛向枝上宿。

清谿道中遇風

朝自柴經行，暮至清溪宿。屯雲倒夕陽，溪色湛然綠。
長風從西來，大壑振林木。噴湧錢江潮，奔騰石梁瀑。
又疑百萬師，軍聲應山谷。頃刻變晝夜，噓吸易寒燠。
人如鷗退飛，馬作蜩毛縮。賊輪曷矯竿，飛沙填矢腹。
噫氣蕩天地，餘勢尚發屋。居人經習見，日入輒匿伏。
竺國多風灾，

而來此其族餘聲尚獵繁星出叢竹

聞巴圖魯侍衛由青海入藏

宿衛銀刀隊前鋒屯落河廟堂宣撫易部落受降多契箭通青海飛書下白波羽林諸壯士
昨夜雪山過

禿髮留餘孽還勞元旅屯冰校欺馬骨番鬼泣刀痕轉戰烏斯藏連營土谷渾跳梁何自苦
釜底尚游魂

檄諸土司屯番赴藏協剿

霜惡出天心諸番都効順蠱爾潢池兵何能合餘燼滅之湯沃雪試之鷹捕跪坐待京觀築
俄頃軍鼓疊土司信忠誠無煩淬鋒刃同仇憤所切驅策亦豈吝鑿丁鐵為衣蠻女花掠鬢
高烏蘆笙吹逢逢銅鼓震村落椎黃牛感激何奮迅勉旗斬樓蘭行將諸部徇

得鄂大司馬軍營書却寄

徵調租庸媿不勝蠟丸重疊下巴陵黑人竄竊誅應亟黃教壯嚴見未曾甥舅碑空牛礪角
喇嘛寺古鬼吹燈遙知沙度繩行處風雪懸崖匹馬登

飛越嶺大霧

昨過大相嶺嵐氣濕衣帶少選日洗滌霏霏散塵垢羊腸雖仄眼界寬失喜舉頭望天外茲
來飛越景更奇咫尺不見山應屢太華或遭巨壑壁黃屋疑有愚公移千峰萬峰盡霏霧人
行霧中不知路九天撒下兜羅綿包裹青山入烟去徒御岌岌藩觸窺高下何處緣鉤梯已
判此身落雲海忽教逆耳聞天雞東顧雲將雨盼井終四顧蒼茫不辨巖壑馬蹄踏石如踏
空白日青冥失虛廟赤松子雲中君倘騎白鶴來相迎願攀六銖隨風行否或道旁蠟殘有
窟宅煨火分我山羊羹峰迴徑轉已千折聞說前山更嵯嶮飛廉長風掃不開萬疊頑雲更

釀雪

鐵索橋

渴虹飲深澗，飲被電光掣。蛻骨燒不死，橫曳百丈鐵。道豈由人通，險乃信天設。河流界西南，
華夷此局錯。陽侯鼓洪爐，綫路鑄斗絕。長纆挽五丁，飛渡誰能截。征馬不敢前，僕夫各嗚咽。
下有戰死魂，波濤所吞噬。聯臂走玲璚，撒手隨飄瞥。饑蛟昂其首，不足供饕餮。我才魏王尊，
叱馭此九折。生乃猿猱愁，死乃魚鼈悅。

頭道水道中瀑布甚奇

兩崖夾立森屢屢，古篆繡壁苔花肥。何年鬼斧破石骨，白龍飛出鱗之而宛虹飲澗首下垂。
已練下界青山陞，邊風忽起古潭黑。馬頭倒捲秋濤飛，明珠萬斛濺白雨水花拂面寒生肌。
石梁龍湫昔未見，黃華石門皆絕奇。豈圖過方忽有此，淙淙餘響鏗金絲。奇觀本不域中外，
乃知天地原無私。簡書鄭重心迫促，漸看暮色來崦嵫。銀河落天兵待洗，搖鞭巡誦李杜詩。
楊柳鋪作塞外柳枝詞

瘴烟邊月總難堪，馬上征人路未諳。忽聽一聲楊柳鋪，一時回首望江南。